

هنا عائلة

ديوان

دره جمال



هي عائلة

اسم الكاتب

درة جمال

جميع الحقوق محفوظة © دار البوكر للنشر الإلكتروني

www.elbookar.com

جميع الحقوق محفوظة للمؤلف

اسم الكتاب: هي عائلة

اسم المؤلف: دره جمال

مراجعته وتنسيق : اسماء جاد

مصمم الغلاف: حازم مصطفى

لا يجوز اقتصاص أي جزء من هذا الكتاب بهدف إهدار حقوق

الملكية الفكرية أو إعادة إنتاجه بشكل مادي أو معنوي وإلا

يعرض نفسه للمسائلة القانونية.

اهداء
الى عائلتي بعد عائلتي

مقدمة

الحكاية

بنت تعرف تبقي عيلة

تبقي راجل وقت زنقة

ايد تضمك وقت خنقة

زوجة صالحة تخاف عليك

حُضن أم يدِّي فيك

اخت تنفع مستشارة

اخ جمبك وبجدارة

آخر صديق متبقي ليك

الحكاية باختصار :

انها فعلا بتقدر

عن كل البشر تغنيك

ع النَّيل

ع النَّيل وصوت الميَّة يشبه ناي
لحن اعزف من قلب بنت بُنوت
عن حلم قال انه قريبا جاي
استنتيه وقطر الحياة ينفوت
عن ورده تشبهلك في تفاصيلها
حواديت كثير ، من ذكرى علي بالك
وسحابة شايف فيكي ملامحها
وسؤال وجالك من بعيد "مالك " ؟
-شايف مساحة النَّيل ؟
-احزاني ما تساعه !!
-والدّوشة في هدوءه
اوجاعي اوجاعه
العمق في التفكير
عازف وصوته خريز
نشبه لبعض كثير

تفاصيلنا ليه واحدة ؟

تفاصيلنا جو مرير

مستني ايه من بنت مدمنة للقلم!!

عاشقة لريجة الحبر

في حروفها كاتمة السر

وبخفة تنتقل

بين الف سطر و سطر

تايهة في بيت الشعر

وبتنسي اخر الشطر

مستني ايه من بنت

حكاويها للقهوة

تضحك في وسط الكل

والدمعه على سهوة

سجادة الصلوات

بالورد هتنبت

ده دموع سجودها مطر

في الدعوة بتبت
بتلف داير دور
تمسح دموع الناس
تيجي لمشاكلها
تبكي كما "المحتاس"
بتبان جبل صامد
من جوة قلب انداس

ع النيل وصوت المية يشبه ناي
انا والسما وضي النجوم والشاي
سهراية بتقلب مواجع ليه ؟
وبكل احزانك ده عايشة ازاى!

" أنا مين ؟ "

أنا كل حاجة وعكسها بطول السنين

وش بملامح ذكريات فايئة

طفلة وعمرها في الزّمن عشرين

أيّام زمان

ماسكة القلم

وبتفتكر أيّام زمان

وبترسم الأحداث بترتيب مفتعل

وبفعل ذكرى اتحرّكت اشجان

بدأت بطفلة صغيرة متعلّقة بكم امها

وبتستخبي من البشر

بتوقّف الدمعه بحضن دافي يضمّها

فرحتها تتلخص بعروسة قطن فحضنها

بُنُوتة .. و اتولدت كأم بطبعها

وبسرعة جدا اهي

هتكمّل السنتين

وتصير مشاكلها

تسوّس لسنتين

البالونات في العيد

فستانها بمبي جديد

"صورة في حجر الأب"

حب اتحقن في وريد

وتعدي كام سنة تانية

اذاعة وعلم و طابور

بتعد كام حصّة

باقية علي الفسحة

ومس صفاء دايمًا

تشدد على الفُصحي

بتسأل على الساعة
باقي كام علي المرواح ؟
ولما الجرس يضرب !!
وكأنه هم وراح

بنّوتة في اعدادي
امورة بالطّرحة
وشهادة التقدير
شايفة فيها الفرحة
يصعب عليها كثير
من صاحبة نسيها
وفي نوتة زهري بورد
كلمات وحاوياها
بدأت تحب الشعر
والبحر والتفاصيل

- داخلين على الثانوي

- نرمي بنا البناتيل ؟

- والجية فيك جنان

- والطّرحه لو تطول

= وبلوزة واسعه كمان!!

= مهيّاش على الموضه

- العفّة ياصبيّة

- أنسب لكل زمان

- خلكي مختلفه

- ده حيائك العنوان

= فعلا ، كده احلى

- بُنوتِي كبرت اهي

- جالها فلان وفلان

وبسرعه اوي وازاي ؟

بقييت سبتاشر !!

وحشني ناس بعدوا

باقية للناس باعوا
ببكي لوحدي كتير
و مزيكيتي عنوانها
في نافورة صوتها خريز
جمبي صحاب اعداد!!
برجع واكون وحدي
ومفيش عليهم لوم
وحدة وهتعدّي..

داخلة علي العشرين
وعروستي مش باهتة
ومشاعري فيها حنين
للحصّة والفسحة
وملامي فيها انين..
لكّي مهما كبرت
طفلة بزمن عشرين

مفاضلش من كل اللي فات حاجة

غير اني لسه بستخبي من البشر

بشتاق للمة عيلة زي زمان

حكايات قديمة بيتندي بيها السمر

وصوت امي ييجي من بعيد عالي

ع النوم ،،،

طولتوا جدا في السهر

فنقوم ونتافف بصوت واطي

وننام وندفي علي ضي القمر

بصيت علي الرسمة

اللوحة مش كاملة

لسة ناقصها كتير

يجوز لو اتخرج

فستان فرح مثلا

او طفل بملاحي

انجح بئاً في شغلي

وقصايدى تبقي ديوان

وازور بيت الرحمن

مشواري لسة طويل

وملاحظة جوايا

اللوحة حرفيا

مفتقرة للألوان

"في وصفك"

وليه الجرح باهت حزن في ملامحك!

وليه الضلعة رسماكي

وجع .. رافض ليه ينساكي

وليه رافضة اللي جاي ادام

مقابل ذكري لمساكي

ياتايهة في وسط زحمة خلق

مفيش منهم يشبهلك

يا ضحكة في وسط دمعة صدق

رنيم دمعة بينشدلك

يا كلمة "آه" بأوجاعها

لاوجاعك .. ما بتساعها

شروذك في الطرق لساعات

يألف نغمة .. بسمعها

يا ناتج قسمة الفرقة علي حنينك

وجمع الذكري بالحنقة

وطرحها هي م اللمة

بدونها مهما زادو الناس

روحك بأشارة ليه سالبة!!

يا هادية برغم علو الصوت في اغانيكي

كانك وردة ع المسرح

بتهدي العطر ..

زهوّر تطرح

تلاقي الرد م الجماهير

دموع باقية من المطرح

يارتني لو هنا جمبك

اضمك م الزمن لساعات

وامسح م الضلوع همك

وابعت دعوة للسماوات

فأَنَحَتْ فرحة في ملامحك

تنور عينك الحلوة

تنبت بسمه من خدّك!

" سِت الكُل "

فلو تسمحلي ست الكل

اقول عنها او اتكلم

وانثر من حروفي الفل

زهور لعنيها بتسلم

وانه برغم طول البعد

ده شوق رافض ليتعلم

كلامي طريقه صار محفوظ

بدايته سكة من قلبي

يشق مع الحنين لبحور

يعدّي من الوجع بسرور

ويبني لكل ذكري قبور

ويطلب مية شهادة زور

بأنه نسي او اتعود

فلو تسمحلي ست الكُل..

بان اوصفلها حالي
ده خوف الهجر والفرقة
ألم ساكن على بالي
حبال الوصل ليه بترخي
سكوتك طال .. وليه بينفي ؟
وجودي وصورتي من قلبك
مسحتيني من الذكرى!!
محيي الاسم من فكرك .. ؟
ده حالي لو يطول البعد
يسافر في الزمن حيران
يجيب ويودّي في الماضي
بداء الذكرى بنا سكرآن
جفاف غيبتك بيقتل فيه
لنهر القرب صار عطشان

فلو تسمحلي ست الكل
اقول عنها او اتكلم

وانشر من حروفي الفل

زهور لعنيها بتسلم

"ليه ؟"

حلمك اللي كان غريب

فجأة قرر ليه يصالحك

بالمساومة يراضي فيك

"خلافتنا مش في صالحك"

ذكرياتك من زمان

ليه تحب الليل اوي

والحقيقة لو تبان !

تفكيرك يرجع سوي

ضعفك الواضح عليك

و تمثيلك انك قوي

والحنين والشوق تملّي

ليه بيختار اللي ضاعوا

صُدفة مثلاً .. ولا قدراً

شوقنا يفضل للي باعوا

ليه بيمسكوا في عيوننا

وينكروا ميزاتنا الكثير

هو يعني انتم ملايكة..

ولا يعني اكمن احنا

بنمّثل دور "الضربير"

طب ولما نحب حد..

عمره ليه ميحبناش

واللي يعشقونا جدا

روحنا حالفة تحن ليهم

روحنا ليه متطأوعناش

اخر سؤال.. عندي بقوله

حياتنا ليه بتدور فـ "ليه"؟!

اسئلة وبدون اجابة

مجلّد اتحبسنا فيه!

ولذلك في النهاية

ختام قصيدة او رواية

هو واحد ..

باختلاف صيغه الكتيرة

ملخصه يفضل في ..

"ليه" ؟

" الفجر "

عُمْرَكَ جَرَبْتَ تَرَاقِبَ

مَلَكُوتِ اللَّهِ فِي الْفَجْرِ

وَتَغِيبَ وَتَحْنُ لِرُكْعَةٍ

وَالدَّعْوَةِ فِي وَقْتِ الذِّكْرِ

وَنَسِيمِ الْجَوِّ الْهَادِي

وَالطَّيْرِ الَّلِيِّ مَهْشُوحِ عَادِي

بِغَيِّ يَوْمَاتِي لِقَلْبِكَ

وَتَقَرَّبَ مِنْهُ يَفِرْ !

أَوَّلَ مَا الشَّمْسُ بَتَظْهَرِ

بَتَرُوحَ لِلْمَصْحَفِ جَرِي

وَبَصُوتِ مَلْهُوفٍ لِلْجَنَّةِ

بَتَقُولَ لِلْحَسَنَاتِ حَيَّ

تَقْرَأُ مِنْهُ سَوْرَتَيْنِ

وَسَاعَاتٍ يُمْكِنُ آيَتَيْنِ

بَتَفْضُلِ سُورَةِ "طه"

وَتَعِيدُ وَتَزِيدُ فِي "الْحَجِّ

"كَمَا كَانَتْ "

بَغَمَّضَ عَيْنِي فَبَشَوْفَهَا ..

كَمَا كَانَتْ ..

حَقِيقَةُ فِي حَلَمٍ لِي بَانَتْ

سَاعَتَهَا دُمُوعِي كَانَتْ سِيلَ

فَضَمْتَنِي

كُنْجَمَةٌ مَنُورَةٌ جَدَا فِي عِزِّ اللَّيْلِ

وَإِخْدَتَنِي

لِدُنْيَا بِلَوْنٍ جَمِيلٍ وَرَدِي

وَمَسَحَتْ كُلَّ أَوْجَاعِي

كَطِفْلٍ بَرِيٍّ مَهْوَشٍ وَاعِيٍّ

فِي حُضْنِ أُمِّهِ يَكُونُ مَرْتَاحَ

وَيَسْمَتُهَا ..

عَلِيٍّ يَا سَيِّ كَانَتْ كَسَالِحَ

تَقُومُ الْحَرْبُ لَوْ لَحِثَتْ فِي عَيْنِي دُمُوعَ

وَتَفْدِي بَضْحَكَتِي الدُّنْيَا

حَنَانُهَا عَلَيَّ كَانَ فَابِضَ كَمَا "الْيَنْبُوعَ "

كانت بالقرب بتداوي جراح باقية

وتشفييني ..

علاجها سريع "زمن ثانية "

كانت بعيونها تحكي لي ..

وتشكي لي بدون كلمات

ونادر لو في يوم تدمع

وتتألم بدون آهات

وكنت بحبها جدا ..

ولسّه بحبها جدا

مفيش كره ما بين اخوات!

بفتح عيني فبشوفها ..

كما لو عمرها ما "كانت"

كما لو شخص وابدّل

كما لو انّها نسيت

يجوز غلطة .. واهي فاقت

واما ذكرى ضمّتنا

فبالتأكيد "خلاص ماتت"

لقيتها بعيدة لو جمبي

وانا من غيرها ويّاها..

ولو هنسي جميع الكون

فانا ابدًا " مهنساها "

يا سندي وضلي في الدنيا

يانور م العتمة تجاني

رجع للعتمة ورماني

هغمض عيني من تاني

وفي الغالب مهفتحهاش

لائي وباختصار جدا

بدونك ..

حياتي مبعيشهاش

وبما ان رجوعك حلم

هنام دائما رجًا لقاكي

ويكون في العلم

برغم المستحيل والحلم!

وغصبٍ عن جروح الروح

هكون دائما بستتأكي

" في عز الليل "

في عز الليل

في ضلمة منورة جدا

بقايا فنجانين قهوة

وسرقة ذكرى على سهوة

ولون اسود مهوش بهتان

وشخص برغم موجة الحر

نايم بردان!

وبنت دموعها في عنيتها

وسواد من تحت جفنيها

تشوف الفرحة في الاحلام

تعز النيسكافيه جدا

تداري جروحها في الأيام

في عز الليل

في شارع صاحي كالعادة

وكوباية مكملتش

لشاي سادة

وعلبة كشري متسابة

تكون عشوة لعامل غلبان

في واحد عاش علي بقايا

وواحد ثروته بتعلّى

ومع ذلك..

مهوش شبعان

في عز الليل

حواري ضيقة وزحمة

وماضي يهرّبك من النوم

خالف ما يغيب - مفيش رحمة!!

في عز الليل

في تفاصيل حافلة مهتكمل

بتنتهي مع ظهور الفجر

وشاعر يوصف المشهد

ولسّاته معرف السر ؟

ليه دائما تكثر التفاصيل

في عز الليل .. !؟

" لك "

يَا عَآيشَه بِس مَش عَآيشَه

فِي دُنْيَا صَعْبَة بِتَوَهِي

يَا مِنْ كُلِّ الْقُلُوبِ خَآيِفَه

بِذِكْرِي حُلُوهُ بِتَفُوقِي

يَا بِتَعَاْفِرِي .. يَا بِتَحَاوِلِي

تَقُومِي مِنْ جَدِيدٍ تَآئِي

فَرْحَمَة حَزْنٍ بِتَعَاْنِي ..

تَشُوْفِي الضِّي فِي الْعَتَمَة

تَقْيِدِي مِنْ ظَلَامٍ شَمْعَة

وَأَمْلِكُ حَامِي نُورَ قَلْبِكَ

وَبِكْرِهِ يَبْقِي سُوْرَ عَالِي

يَا مَكْسُورَة مِنْ جَوَة

وَشَوْقِكَ لِلْبَعِيدِ وَاجْعَلْكَ

يَا بِتَدَاوِي بِدَعَاوَاتِكَ

جروح نبضك
سجودك للخالق رحمة
بتشكيلو .. بتحكيلو
بلهفه للصلاة بتجري
بكسفه .. تتوي من ذنبك

يادايما داخله في تحدي ..
مع التوهان
لأمتي شآرده وبعيده
وعايشه دنيا في السرحان
بتبكي بسرعه من جوه
بدمعه خايفه مسروقه
بماضي تملي مخنوقه
لامتي السجن والمدفن
عليكي قصه مكتوبه !؟

هنتحرر من الاحزان

قولِها وكرري وعيدي
واحفظي لحن مش بالسهل
تهده الصدمه .. ما تزيد
وعلي الصوت كمان وكمان
بأنك قادره وقويه
وان الشوق ده مهما كان
مسيره في يوم هيترااضي
ونرجع تاني زي زمان

ومهما حاولت ابان اقوى
فمش هنكر
دموع الليل
تهد الحيل
لضعفي تملي بستنكر

" مشاهد م الليل "

تاريخ اليوم بيتغير

ويجي الليل ..

مشاهد حابة تتكرر

مشهد "1"

بداية الليل ..

ضي القمر

مج اتكسر

لهفة لسمر

وحديث طويل

وطريق سفر

بحّة دموع

شبه العويل

وسؤال يقلّب في اللي فات

يختار ويتجنن ساعات

ليه تايهة عني الذكريات ؟

وتملي عايش في "حكايات"

انا ليه بعيد في الاسئلة

واكتم في نفسي الأجوبة

رافض اصدق ليه اللي كان

ولا الحقيقة مؤلمة

وليه بتخطر على بالي

وانا ناسيها

وليه بحلم بحكاويها

واشوف النور في خطاويها

واتبت ليه علي صورتها

ولما اتغيب بناديها

بحسرة بيختم المشهد

بدعوة بيتهل فيها

مشهد "2"

نص الليل..

شباك مفتوح

وصوت مجروح

وضعف الروح

وكسرة نفس

بُخور ينفوح

وليه بنتمادى في الضعف

وتغلبنا ليالي زمان..

علي مركب هوى تايه

نسافر ليه في الف مكان ؟

وحشتيني..

بقولها بكل قوّة وضعف

سكنتيني

بمعنى الكلمة.. معنى الحرف

وثمّ وبعد

قتلتيني

وعن "ازّاي" ؟ هغض الطرف..

ومطرّة بتختّم المشهد

كلام ويبتنع م الصرف ..

المشهد الأخير "3"

آخر الليل

نسيم هادي

رياح وسكون

تضاد معتاد

ماليّني شجون..

واخر الليل

تزورني ظنون

فبطرُدها

بطبعي حنون

بداية الفجر بتقرّب
وانا لسة على حالي
ده ماضي طويل بيتسرّب
من الواقع بيتهرّب
ما بينهم سد.. وسور عالي

هقوم اصلي
وهبكي كثير كما العادة
وجمي قهوتي "السادة"
ورغم انك بتنسيني
انا فاكر
وبدعيلك .. وبزيادة

اذان الفجر مسك ختام
لتفاصيل السهر والليل
تاريخ اليوم بيتغير

مشاهد حابة تتكرر

مشاهد ليه تهد الحيل!!

"كوبري مُشاه"

في وشوش الناس

حكايات تايهة

احلام بايشة

واوجاع باينة

في اشكال تجاعيد

في حياة صعبة

عايشين مطّاريد

على كوبري مشاه

ام بطفلة

بتبكي بحرقة

من حر الشمس

وشباب عرقان

واحد منهم

ماشي وسرحان

يظهر يفكر في خطيبته

فطلبات اهلها عايش غرقان

راجل صارم اوي في ملامحه

راجع من شغل ، مرهق تعبّان

قاطع تفكيره.. رنة تليفون

هيرد بتنهيده شديدة

مؤكّد ده زبون

- ايوه يابابا.. عايز بونبون!

ليه اتاخرت

= م البيت يا محمد انا قرّبت

البونبون جبته اهو في جيبي

اسمع بس انت كلام ماما

ماشي يا حبيبي !

بنت في ثانوي

بضحكة لامعة

بتذاكر وكويّس جدا

متشوّقة جدا للجامعة

ست باكياس خضرة وفاكهة

في طوابير العيش

دائما سابقة

هتروح تعمل لقمة هنيّة

أرضي الاولاد .. اول نيّة

الدنيا ده بتدور وبسرعة

الشاب السرحان في خطيبته

هيعدي زمن ويجيب بونبون

ممكن لابنه

ولو عدّي كثير

يبقي " حفيدته "

اما البنوتة اللي في ثانوي

هتعدّي ايام وتجب خضرة

وهتروح تعمل لقمة هنية

بنفس النية

كلنا ادوار ..

فيلم الدّنيا

...

الشوارع والمباني

المساجد والحواري

ليه تملي..

حاوية جزء منّا

ذكرياتنا ، والحكاوي

صوتك في الضحكة "كناري"

رنّة دائما ليه ف ودي !!

بتحكّي دائما عنّا

قلل م اللمة حواليك ترتاح

" خارج النص ، الزمن والقافية " !!

- قلل م اللمة حواليك ترتاح

= وبكل بساطة يموت غيرك ؟

- روق يا صديقي ، متعقدهاش

- كلها أيام وهنتعود

- فُوقَ حَيَاتِكَ متوقفهاش

= وهعيش ازاي ؟

- عيش ولنفسك .. ومتظلمهاش

= بس نا مش زي بقيت الناس

مش هتعود ..

والدنيا في وشي ده هتسود

- انا يا صديقي ومن غير اسف

وبدون ما اشرح اية اسباب ..

مضطر اقفل كل الابواب

واحمد ربنا جدا اني

ممكن اسبيلك باب وموارب

يُدخل منه كل الاحباب

= برّاحة .. لو تسمح فهمني

ايه اللي بيحصل

مخي بيفصل

وعنيا بقيت غرقانة دموع

في جراح قلبي تَفْتَح .. تنزف

وفي احلامنا.. تهد وتنسف
انا فاهمك جدا وكويس
انك محتاج اوي لمساحتك
ومن غير ولا كلمة اكيد حقك
وانا عمري مهتطفل ابدا
بس المشكلة انك يومي
بتوسع وتكبر فيها
وبالتالي وم الواضح جدا
اني ماليش اي مكان فيها
طب ايه رايك لو تشرحلي
فاقنع نفسي..
او استوعب

- بستاذن..

كفاية كلام

- انا داخل انام

= بالله .. لو تستني شوية

ارجع بالماضي كده سنتين

- انا رامي الماضي ورا ضهري

قدامك م الوقت دقيقتين

- وعلي فكرة ده غلطك م الاول

انت اتعلقت

= قول بتهزّر

-لا مبهرش

= بجة إلحاحي وانا برجوك

ابعد عني .. اوعى تقرب

انا واحد سيئ في طباعه

هتعلق بيك ثم هتهرب

وساعتها ومن اول وجديد

قلبي هيوجعني لحد ما اموت

وابص عليكو وانتم عايشين

وانا ايامي تعدي وبتفوت

وساعتها جالي ردك انك

مختلف وبشدة عنهم

واصارحك بئاً ؟

صادق جدااا

عمرك ما كنت مبتشبههم

ولحد الآن

لسة في قلبي

انت اخويا

صدى احلامي

صاحبي وعيلتي

وساعات ابويا

اسمعني بئاً

برده انا غيرهم

هتمر ايام وتجر سنين

وانا واقف مستني رجوعك

ع فكرة انا عارف وكويس

انك مش دايم كده مرتاح

بتبان صامد.. جواك ميّت

وساعات تضحك.. حزن ميّت

واني بعافر اوي بعنابي

وتقيل جدا بكلامي عليك

وحروفي تملّي تجرح فيك

بس نا يا صديقي

او يا (يا أخويا)

شفتك غيرهم

متمسك بيك

ممكن متوسعش مساحتك

مش لازم طب ادخل فيها

طب ممكن انك تدعيننا

وتخصنا دايما في سجودك

- طب ايه رأيك ابعد خالص ؟

= اذا كان كل ده لوم في غيابك

متخيل حالي لو انت بعيد

هو نت فاكرني هعيش عادي

نا قلب ورق ،، مش صلب حديد

- بص .. انا لسة مصمم جدا

قلل م اللمة حواليك تراح

= وانا فعلا صادق في إجابتي

وبكل بساطة يموت غيرك

" النُوتة الزهري "

وفي ركن في اوضتي المهجورة

ع الرف هناك

كان في نوته ..

اوراق و قصيده منشوده

لحكاية تملي بتتعاد

في حياتها باقيه ومدوده

من صفحه لصفحه تلاقي ذكرى

ترسم بسمه وساعات دمعة

والصوره الباقيه في خزنتها

بتغيب وتحن لحضرتها

قدامها حقيقه مرسومه

وبتنزل من سطر لسطر

بتلاقي الغايين زادو واحد

ويأريتهم بيلموا عزاهم
ببسيبو الباب دايمًا مفتوح
فتقول يمكن ده في يوم "عائد"

في حروف النوته اتخبي كلام
ببميل للعزله وللكتمان
بتفضل انه ميظهرش
وبتنسى ؟

لا مبتقدرش
ولآنه الجزء المش ظاهر
ف حروفه ضروري متكترش

النوته الزهري اللي اتظلمت
بالباهت اللي في أيامها
وسواد احرفها وكلماتها

الزهري المربوط بالبهجة

اتحول لاسود م الايام
وانعكست بهجته ف الاحلام
لاسود مخطوط ف فراغ الروح
كانت دائماً تحلم يوم م تروح
على ركن الاوضة المهجورة
تلقاها لو يوم مش مكسورة
وتحرر نفسها م الصورة
ترتاح وتنام

تُمرُّ سنين .. تجرُّ سنين

وأنا لا زلت في مكاني

تصيّبي جراح .. وتلوّ جراح

في ذكرى قديمة تلقاني

" جَوَابَ لِلْمَاضِي "

حاول بالذكري متسكرش

وفي بكرة كثير متفكرش

اتحرر من سجن حروفك

واجه حلمك ومتهرش..

جَرَّبَ تَبَعْتَ لِلْمَاضِي جَوَابَ

فضفضة مبعوثة بشكل عتاب

وسؤال دُغري واضح وصريح

انا يا صديقي ..

من كتر مبرجعلك ليه جريح ؟

انا سايب روعي قلمي معاك

وناسيها .. وتايه من غيرها

مع انما متعذبة وياك

وبقول تتعود ، ده "مصيها"

ولكني تعبت

وعلي روعي انا غيرت

قررت نوقف صداقتنا

ونقطع جوابات

وكفاية متاهات

وبالنسبه لروحي هموضها

هراضيهها بحض وسلامات

متجرب مرة انك تكتب..

من غير مدمع ولا تبكي ؟

جرب تتكلم وتففض

وبدون انذار ترجع تحكي

جرب تضحك وبصوت عالي

تضحك من قلبك .. من جوّه

احضن صاحبك وبدون اسباب

ضمه بروحك.. ضمه بقوة

وفي اخر الليل..

صلي و سبح

وادعيه .. وارمي في احمالك

وتأدب واخشع في صلاتك

واحكيه كثير عن احلامك
واشكيه.. يهون اوجاعك
ارمي القلم الاسود على جيب
وارسم من تاني بالوانك

دور على ضحكة في طفلة بعيد
هتلاقي الضحكة بترجعلك
حرك في لسانك.. لو مشغول
صل على حبيبك يشفعلك
لو تايهة الفرحة بعيد عنك
دور ده مسيرك تلاقيها
معروف الدنيا "ليك وعليك"
فاضحك.. روق بقى عديها
انا عارف جرحك مش بالسهل
فاستغفر ربك يداويها
فاستغفر..
ربك يداويها

حياتك " ميزان "

خليك فاكّر ان حياتك

ماشية بميزان

كل اللي عملته ف مردودك

حسب القاعدة

" داين تدان "

كلنا ادوار في حياة غيرنا

فاحسن في أداء دورك جدا

علماً أنّه هيمثل فيك

وتجنّب انك تجرح حد

ليجيلك اللي هيغدر بيك

" شَط البحر "

شروق الشمس

وشط البحر والموجة

وذكرى..

وضجة في قلبي ، ويجوز هوجة

واخر نجمة مطفية

بنور الشمس مطلية

وحلم كبير على سني

ووردة تمللي فيه في كمي ؟

ونور ساطع لكنه بعيد

بخمن انه خاف مني

ازازة بعيدة مرمية

جايز حاوية رسالة ليا

فجيت اقرب وامسكها

هوآ الشاطي لعب بيا

حمام طائر

سحاب وغيوم

وعصفور واقف على الورد

في ابداع لوئها ليه حابر

وناسي انه ماليها سموم!!

عينيه هتفرح شوية اكيد

لكن بعدين..

سمومها هتملى كل وريد..

هيتمنى ساعتها الموت

وهيمثل بانه تمام

ورغم ان الوجع بيشد

فهيمثل بانه حديد

انتِ الحياءَ لناسِ كثيرِ

ومتنكرِيش..

ان مهما زادتِ قوتك

هيزورك الضعفِ بجنابه

محتاجه ايدِ جمبك دوام

لاجلِ تمسحِ دمعتك

" فلتعلمي "

فلتعلمي

ان انتِ كنتِ نور لقلبي وقت ما عنيا اتطفت
ضيّ اتولد من قلب ضلمة اشعة النور فيه اختفت
حياة لروح فافدة الامل احلامها ضاعت وانتِ هت

فلتعلمي

مش هنسي ابدا وقفنتك وقت ما الكل ليا باع
قربك لروحي وقلبي ياللي كنت سندي من الضياع
يا دنيا حلوه لوحدها
يا شمس ضوي في ثغرها
يا ضمة صادقة في وقت خنقة محت اوجاعي كلها..

فلتعلمي..

ان انتِ رفقة للجنان
صحة يدوم بيها الزمان

حَضَنكَ وَقْتَ الْبُكَاءِ "الْأَمَان"

يَا ذَكَرَى حُلُوةَ لَعْمَرٍ بِدَايَتِهِ صُحْبَتِكَ

تَحْلَى حَيَاتِي بِفَرَحَتِكَ

الْأَلَمُ مِنْ يَوْمٍ وَجُودِكَ يُعْتَبَرُ مَاضِي وَكَانَ

فَلتَعَلِّمِي

أَنِي بِحُبِّكَ لِلْأَبَدِ

وَأَنْ فَاتٍ مِنَ الْعَمْرِ عَدَدٌ

وَلَوْ بَاعَدَتِ بَنَاءَ الظُّرُوفِ

يَخْلِكُنِي لِي رُبِّي مَدَدٌ

"بَحاول"

ولكنّي

بحاول افوق!

وادوس وجعي برجليّا

واعيد الحلم من تاني

واشوف الدنيا يعنّيّا

بحاول اذاري في جراحي

واداويها..

وانسي كثير من الذكرى

واجاريها

بحاول اصحي من نومي..

وم الاوهام

واكون بلسم علي همومي..

وعلي الاحلام!

بعود روحي م الاول

كما لو طفل لساته هيتكلم

واخايل حزني ببروده

واقول اهي دنيا.. "هتعلّم"

ولكنّي

في كام كلمة لابد يوصلو جدا

انا ابدأ محبتش

شعور الوحدة في ضلوعي

ولا فكرت ازايدي ياسي بدموعي

ولا مثلت فيلم "كتابة" بهمومي

انا اقسام..

بأن اوجاعي مكانتش

مجرد سطر وبلاغة

مكنتش بيكي لاجل اجذبكوا ببلاهة!!

ولا اني بحب "الافورة" بطبعي

ولا مجرد عنيد منبوذ عشان "عصبي" !

مفيش انسان يحب الحزن

ويقتل ضحكته بايده

ويصنع كفنه بهمومه..

مفیش عبد میتمّاش
یسمع "حر" من سیده
انا عمري ما كنت جبان
ولا سلّمت للاحزان..

انا بحاول..
لاجل اثبتلکم یوما..
بائيّ برئ..
بحب الفرحة زيّکم
وانيّ جرىّ

ولکنيّ بارجوکم
کفاية شماتة في وقوعي
وطعن في وجعيّ ودُموعيّ
ده ربّک لو يريد هيکون
تموت اوجاعيّ جوايا
وتحيّا الفرحة بضلوعيّ..

" تفاصيل .. "

كوباية عصير ساقعة

في عز الحر

ولطف الله وتيسيره

في لحظة مر

محاضرة تتلغي مثلاً

صاحبك ييجو بهدية

وصوتك يعلى يوم العيد

لا مكبرتش علي عيدية

رسالة من بعيد غائب

في نص الليل

تسيب ضحكاية على وشك

فتفرح بعد هدّة حيل

زيارة من اخوك يمكن

وتفتكروا في عمر وفات

دعاء دايم في سجودك

لَعَمٍ وَمِن قَرِيبٍ مَات

تفَاصِيلُ حِلْوَةٍ .. وَبِتَفَرِّح

وَرَوْحُكَ حَقَّهَا تَمْرَح

بِلاشٍ لِلْحَزَنِ تَسْتَلِم

وَبَطْلٍ فِي الْيَاسْرِ تَسْرَح

يا بسمّة وسرّها في خدّك

و روح ساكنة ورا قلبك

يا نثر مألّفاه عيُونك

وبركان مخفي في سكُونك

...

ياهادية حتّى في ملامحك

0

" هي عائلة "

الناس كلها عندها عيلة

ونا عندي اتنين

الاولي ده من اصلي ودمي

والثانية ملخصها لفردين

انا وهي

وفنجانين

قهوة ثقيلة وبسكر

وعمر و عدي في سنتين

وذكرى طويلة تجمعنا

اساسها سؤال وجمعنا

تملي الحزن في عيونك ؟

جفونك حاوية لدموعك

هدوء.. وصراخ ورا ضلوعك

وعالم تاني مش ظاهر

وايه السر في سكونك ؟

اجابة وبدأت القصة

اجابة و حلم للجنة

ودعوة مختومة باسمك

تفضلي جمبي في الدارين

وغموضك حير كل الناس

عدّيتي البحر في أسرارّه

والناظر جوّه عنيكِ يتوه

قلبك متشيد بأسوارّه..

" عَنْهَا "

سامعآها دقّآت قلبك أنا

بصوتها الحزين

وعنيكي اللي بتتسم

رغم الوجع

شايفآها " نظرتُ الحنين "

اغلب حروفك متبعثرة بين السطور

الكلمة مره بتتفهم

والتآنية ده لقلبك وبس

متلخصة وملخصه وجع السنين

عآيشة بس ميّنة !

وشك ملآمحـه متشبته

حتى الضحكة بنبرة سكوت

وخدودك المكرمشة

من همك اللي مش لسنك

جايلك زاير من بعيد

وبكرمك اللي ملوش حدود

عشش في روحك للزمن
خلي الزعل من غير قيود
والامل مهما شيد من مباني بيتهدم
من كتر خيبات الحياة
قلبك تملّي بيتصدم
فوقي واصحي من غيابك اللي طال
ده لكل الآمك " اله "

ربّ رحيم

عالم بخفايا كل حال

ربك كريم وهيسمعك

والدعوة بتهوّن كثير

احكي في سجودك الوجد
خلي الدموع ع الأرض سيل

" فَنجَانُ الْقَهْوَةِ "

فَنجَانُ الْقَهْوَةِ الَّلِي اتَحْمَلُ ..

شَال عَنِي مَآسِي وَهَمُوم

الْمَر وَسُكْرُهُ بَزِيَادَهُ

السَّنْدُ الصَّاحِبُ "لِكْتُوم"

بِيَصْحِي وَيُمْكِنُ بِيَقْوِي

لِلسَّمْرِ الْهَآدِي فِي نَصِّ اللَّيْلِ

اَطْرَافُ السَّمْرِ الْمَرِّ دَه

كَسَرُوا الْقَاعِدَةَ ..

مَكَانُوشِ اتْنِينِ

دَه لَوَاحِدٌ دَائِمًا مُتَعَوِّدٌ

يَفْضِلُ وَحْدَهُ

تَفَاصِيلُ الْقَهْوَةِ وَمَرَارَتَهَا

كَانَتْ صَاحِبَهُ !

النَّاسُ دَائِمًا تَشْرَبُ قَهْوَةَ

عَلْشَانَ تَصْحَى

وَإِنَّا بَلَجْنَا لِيَهَا عَشَانَ بَنَسَى

بهمس مع نفسي بكل هدوء
على حزني الهادي هكون أقسى

اخفي الوجع

جوّ الدّعا .. جوّ الحروف

في ورق مبعثر عَ الرفوف

" صفحة في دفتر "

بقلب جَوّا في الدفتر

لَقَيْتِكَ صفحة مرسومة

مَلامَح هادِيّة وكتومة

في عَيْنِكَ نظرة مهمومة

بُكَاء هادي..

بصوت نَادِي

تَنَاقُض ذَكَرِي جَوّاكِي

بَتَحَكِّي عن صِرَاع دَائِم

ساعات صَاحِي

ساعات نَائِم

ساعات يَبْغُوص في اعْمَاقِكَ

ساعات ع الشَّط كان عَائِم

ومن وَصَفِي في مَلامَحِكَ

نَسِيت اذْكَر اَهم سَطُور

صَرَاعِكَ صَوْتِكَ الهَادِي

بكاكي بحزن مش عادي

جمال روحك

على الاحزان هيكدر

خيوط النورده جواكي

عليها العتمة ما تأثر

وانا بدعواتي في سجودي

وفي ابتها لا آتي وعودي

واملي لو يعدي بحور

هوفي ندور

عنيها جميلة تحكيك

وأحيانا تغنيك

على ناي ابتسامتها

نحن لصوتها .. ضحكتها

وأما حكايا دمعته

تزورها حين ما تشكيك

كلامها الحلو حين الخنقة والزّنة

وضمة قلبها لقلبك

زيادة همها بھمك

وسر جميل بيجمعكم

ودعوة حين ما تشاقلك

عيوبها ليه بتتحب ؟

وشكلها وقت "عصبية"

ووردة مصالحة لحنافة

بشوفة الوردة منسيّة

خودها وهي مكسوفه

بتطرح وردة زهرية

أنا وهي

وحلمي الباقي في عيونها

وسبب الفرحة ده وجودها

ولو لقيت جميع الكون
ما يسوى غمزة في خدودها

انا وعموما .. او على كل
وبدون تمثيل فعلا تعبان
حدوتة رافضة انها يوم تكمل
او رسمة رصاص "كارهة الالوان"

" زياره لطيب "

- اسمك ايه

= انا اسمي فلان!

- اتفضل احكي

ايه مشكلتك

= على طول تعبان

- طيب من ايه

انا مظهري شاب

ولكني عجوز

اوجاعي كثير

وهيمه يجوز

انا دايمه دايمه او تايه

والناس على طول مش شايلاني

وجروح قلبي مبتعدش

يتداوى واحد .. اتصاب تاني

وصداع دايم
قولون عصبي
وكسول جدا
فبزيد مرضي
قلقان على طول
وسواس قهري!

ونسيت اقولك
مجنون تفاصيل
ومريض ذكرى
وبعيد مواويل

لو تسمح يا طبيب طمّني

مرضي ده مزمن..

ولا انا سلمي

= تشخيصك يا "فلان" مش عندي

وياريت علي طول وبدون تأخير

تتفضل عند طبيب نفسي

يكتبلك عن حالتك تقرير

روشته كبيرة

جلسات فضفضة

خد منها كتير

واتمني تكون بعديها بخير!

" في النهاية "

افتكر قبل ما تحكّم

ان ده مجرد بداية !

شكر خاص
للشاعر محمد موسى

وحشتيني

بقولها بكل قوة وضعف

سكنتيني

بمعني الكلمة بمعني الحرف

وثم وبَّعد قتلتي

وعن "أزاي" ؟ هفض الطرف ..

ومطرة بتختم المشهد

كلام ويبتنع م الطرف ..